



KUERPO POLISIAL KÒRSOU

Telefòn: 866-6150 • 866-6152 • 866-6153 •

866-6154 • 866-6156 • 866-6158 •

Fax : 869-6639

E-mail: pr.polis@polis.cw

Wèpsait: www.polis.cw

Adrès: Winston Churchillweg z/n • Willemstad • Curaçao

KOMUNIKADO DI PRENSA

29 yanüari 2017

025 / 2017

Título: Akshon general

Djabièrnè dia 27 di yanüari, diferente unidat di Kuerpo Polisial Kòrsou entre kua Timnan di Mantenshon i Hitteam a tene diferente kontrol preventivo i di tráfiko riba nos isla.

A kontrolá 208 vehíkulo i a parti 49 prosèsverbal pa diferente infrakshon di lei di tráfiko.

A tene vigilansia den diferente bario i na sitionan unda ta konosí ku aktividatnan ilegal ta tuma lugá.

Den Hermesweg alrededor di 02.25'or di djasabra mardugá, a detené dos hòmer sospechoso, kada un riba un bròmer.

Durante di listramentu a bin topa e hòmer J.F.D.I. di 26 aña di edat ku un pistol kaliber .22 den su poder.

E otro sospechoso, e hòmer M.A.P. di 29 aña di edat tabata den posishon di un kuchú.

A konfiská bròmer, armanan i e duo, nase na Kòrsou a keda presentá dilanti di un fiskal ouksiliar ku a ordená nan enkarselamentu pendiente di mas investigashon.

Nota pa redakshon – no pa publikashon

Pa mas informashon bo por tuma kontakto ku Departamentu di Komunikashon i Prevenshon na e numbertan di telefòn ariba menshoná.

Orario: djaluna pa djabièrnè di 8.00 – 22.00 or' ;

djasabra di 9.00 – 13.00 or' ;

djadumingu di 18.00 – 22.00 or'.

Por yama durante di dia pa hasi entrevista i **despues di 22.00 or'** por tuma kontakto (ku **Bosero i Hefe di Departamentu di Komunikashon i Prevenshon**) na number di telefòn 510-2715.